

# Dalam Negeri

## Syor guna aplikasi MyKad agih subsidi

KUALA LUMPUR 3 Okt. - Kerajaan disyor menggunakan teknologi yang terdapat pada kad pengenalan bercip, Mykad dalam menyalurkan semua subsidinya kepada rakyat negara ini.

Ketua Pegawai Eksekutif Yaya-  
san MyKasih, Jeffrey Perera berkata,  
ini kerana kaedah tersebut lebih  
efektif dan bebas daripada sebarang  
penyelewengan.

"Selama hampir tiga tahun Ya-  
yasan MyKasih menggunakan kae-  
dah tersebut, kami mendapati peng-  
gunaannya adalah holistik dan ber-  
peranan besar dalam memastikan  
bantuan makanan bernilai kira-kira  
RM6 juta disalurkan dengan baik  
setakat ini."

"MyKad dikatakan paling cang-  
gi di dunia, jika aplikasi tersebut  
benar-benar diperluas, kerajaan se-  
harusnya tidak mempunyai mas-  
lah untuk mengenalpasti pendapa-  
tan isi rumah dan menyalurkan ban-

tuan kepada mereka," katanya di sini hari ini.

Hadir sama Penasihat Yayasan MyKasih, Randhir Bacahan Singh dan Pengurus Kanan yayasan tersebut, Shafinaz Suhaimi.

Jeffrey berkata, subsidi termasuk petrol, pertanian dan pelajaran boleh disalurkan ke akaun MyKad penerima dan digunakan di premis terpilih menggunakan sistem pengecaman cap jari dan nombor pin enam digit.

Disebabkan keberkesanan kae-  
dah itu jelas beliau, pihaknya juga  
bercadang untuk menggunakan  
kaedah yang sama dalam pemberi-  
an bantuan pelajaran, pengangku-  
tan awam dan sebagainya kepada  
penerima bantuannya.

"Timbalan Perdana Menteri, Tan Sri Muhyiddin Yassin pernah ber-  
kata kerajaan belum memutuskan untuk melaksanakan kaedah pem-  
berian kupon makanan atau 'food

stamp', apa kata kerajaan meng-  
gunakan kaedah ini?

"Meskipun penerima bantuan kami hanya kira-kira 10,000 orang, namun teknologi tersebut boleh me-  
nyediakan perkhidmatan kepada kira-kira 15 juta individu" ujarnya.

Sementara itu jelas Shafinaz, ber-  
mula tahun ini pihaknya telah  
memperluaskan peranan MyKasih dengan menganjurkan lebih banyak aktiviti bercorak pendedahan terhadap bidang keusahawanan.

Kata beliau, seminar keusahawa-  
nan anjuran pihaknya yang merang-  
kumi latihan bidang jahitan, tek-  
nologi makanan dan sebagainya supaya penerimanya dapat menjana pendapatan mereka sendiri.

"MyKasih juga telah memulakan sesi kelas tambahan percuma ke-  
pada anak-anak penerima bagi memastikan generasi tersebut da-  
pat melakukan mobiliti sosial suatu  
hari nanti," tambah beliau.



**SHAFINAZ** Suhaimi bersama Jeffrey Perera menunjukkan MyKad peribadi yang dapat membantu ahli MyKasih mendapatkan sumber makanan dengan mudah di Phileo Damansara 1, Petaling Jaya, semalam.